

5 Pensa bon

5e Predikado i suheto

Predikado i suheto den un frase

- Bo ta kòrda? Un *predikado* ta bisa kiko un hende, bestia òf kos ta, ta hasi, ta pensa òf ta sinti.
- Un predikado mayoria di biaha ta kontené un partíkula (a, ta, tabata, lo) huntu ku un verbo (biaha, bishitá, kome etc.).
- Nos a *bishitá* e Toren di Pisa. → a *bishitá* = predikado
- Den mayoria di frase tin un *suheto* tambe. Un suheto ta bisa ken òf kiko ta hasi algu.
- Bo ta haña e suheto den un frase ora bo hasi e pregunta ken/kiko + predikado.

Paola ta kome un pizza dushi.

Predikado: ta kome.

Pregunta: Ken ta kome?


Kontesta: Paola → Paola = suheto

Antes Reno tabata biba na Italia.

Predikado: tabata biba

Pregunta: Ken tabata biba?

Kontesta: Reno → Reno = suheto



- Skibi e siguiente frasenan den bo skref i hala un strepi blou bou di e predikado.
- Hala un strepi oraño bou di e suheto di kada frase.

E leyenda di tarantella

1. Bo a tende di e baile tarantella?
2. Italiano ta gusta e baile akí.
3. E muzik ta zona alegre.
4. E parehanan ta drei rònt den un sírkulo.
5. Un leyenda ta bisa lo siguiente.
6. E baile a haña nòmber di e araña tarántula.
7. Tin biaha tarántula ta pika hende.
8. Antes e hendenan tabata balia rondó di e víktima.
9. Esei nan tabata hasi ku un motibu.
10. Nan tabata ke kore ku e venenu.
11. E baile tabata kura hende di bèrdat?
12. Nò, e víktima tabata mehorá di mes.
13. E venenu no ta mata hende.

